

**სახელმწიფო შესყიდვის შესახებ
ხელშეკრულება N02/03/22-208**

21 ოქტომბერი, 2022 წელი

ერთი მხრივ, სსიპ - სახელმწიფო სერვისების განვითარების სააგენტო (შემდგომ - შემსყიდველი), მისი წარმომადგენლის, ადმინისტრაციის (დეპარტამენტის) დირექტორის გიორგი ჯიჯეიშვილის სახით და მეორე მხრივ, შპს „იუ-ჯი-თი“ (შემდგომ - მიმწოდებელი), მისი დირექტორის ერმილე სულაძის სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად, **SPA220002145** ელექტრონული ტენდერის საფუძველზე დებენ სახელმწიფო შესყიდვის შესახებ ხელშეკრულებას.

მუხლი 1. ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. ხელშეკრულება სახელმწიფო შესყიდვის შესახებ (შემდგომ – ხელშეკრულება) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, ასევე, მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. ხელშეკრულების ღირებულება - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. შემსყიდველი ორგანიზაცია - (შემდგომ - შემსყიდველი) ორგანიზაცია (დაწესებულება), რომელიც ახორციელებს შესყიდვას.
- 1.4. მიმწოდებელი - პირი, რომელიც აწვდის შესყიდვის ობიექტს წინამდებარე სახელმწიფო შესყიდვის შესახებ ხელშეკრულების ფარგლებში.
- 1.5. „დღე“, „კვირა“, „თვე“ - კალენდარული დღე, კვირა, თვე.

მუხლი 2. ხელშეკრულების საგანი

- 2.1 ხელშეკრულების საგანია ჰიპერ-კონვერგენტული ინფრასტრუქტურის სპეციალიზირებული მოწყობილობის თანმდევი მომსახურებით სახელმწიფო შესყიდვა.
- 2.2 შესყიდვის ობიექტის კლასიფიკატორის კოდი: (CPV – 48800000).
- 2.3 შესყიდვის ობიექტის ფასი და ტექნიკური პირობები განისაზღვრება წინამდებარე ხელშეკრულების N1 დანართით - ტექნიკური დავალება, N2 დანართითა - ფასების ცხრილი და N3 დანართით - საგარანტიო პირობები.

მუხლი 3. ხელშეკრულების ღირებულება

- 3.1 ხელშეკრულების ღირებულება შეადგენს **440,140.00** ლარი.
- 3.2 დაფინანსების წყარო: საკუთარი შემოსავლები;
- 3.3 ხელშეკრულების ღირებულება მოიცავს როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებსა (მათ შორის დღგ) და გადასახდელებს.

მუხლი 4. მხარეთა ვალდებულებები

- 4.1 მიმწოდებელი ვალდებულია:
 - ა) უზრუნველყოს წინამდებარე ხელშეკრულებით გათვალისწინებული შესყიდვის ობიექტის მიწოდება წინამდებარე ხელშეკრულებითა და მისი N1-N3 დანართებით გათვალისწინებული პირობების შესაბამისად;
 - ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;
 - გ) ხელშეკრულებასთან დაკავშირებული ნებისმიერი ინფორმაციის მიწოდება აწარმოოს წერილობით;
 - დ) ხელი შეუწყოს შემსყიდველს ინსპექტირების განხორციელებისას და შეუფერხებლად მიაწოდოს ინსპექტირების განმახორციელებელ ჯგუფს ყველა საჭირო დოკუმენტაცია/მასალა;
 - ე) შემსყიდველს უმოკლეს ვადაში აცნობოს თავისი ორგანიზაციის მოსალოდნელი რეორგანიზაციის ან/და ლიკვიდაციის შესახებ;
 - ვ) იმ შემთხვევაში, თუ მიმწოდებელი შესყიდვის ობიექტის მიწოდებას ვერ განახორციელებს არაუგვიანეს 2022 წლის 20 დეკემბრისა, იგი ვალდებულია, არაუგვიანეს 2022 წლის 23 დეკემბრისა წარმოადგინოს სახელშეკრულებო ღირებულების 100%-იანი წინასწარი ანგარიშსწორების სადაზღვევო/საბანკო დაწესებულების მიერ გაცემული გარანტია, რომლის მოქმედების ვადა 1 თვით უნდა აღემატებოდეს შესყიდვის ობიექტის მიწოდების ვადას;
 - ზ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) უზრუნველყოს ხელშეკრულების შესრულების კონტროლი;
- ბ) შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება, ხელშეკრულებით გათვალისწინებული პირობებითა და ფორმით, მათ შორის, წინასწარი ანგარიშსწორების გარანტიის წარდგენიდან, არაუგვიანეს 5 სამუშაო დღის ვადაში განახორციელოს ანგარიშსწორება მიმწოდებლის ანგარიშზე;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

4.3 მხარეები კისრულობენ ვალდებულებას წერილობით ან/და ელექტრონული ფოსტის (მიმწოდებლის ელექტრონული ფოსტის მისამართი: davit.khaindrava@ugt.ge; შემსყიდველის ელექტრონული ფოსტის მისამართი / საკონტაქტო პირი: servicedesk@sda.gov.ge) მეშვეობით აწარმოონ ხელშეკრულებასთან დაკავშირებული ნებისმიერი მიმოწერა.

მუხლი 5. ხელშეკრულების შესრულების კონტროლი

5.1 შემსყიდველის მხრიდან შესყიდვების კონტროლს (ინსპექტირებას) განახორციელებს სახელმწიფო სერვისების განვითარების სააგენტოს ინფორმაციული ტექნოლოგიების ინფრასტრუქტურის მართვისა და განვითარების სამსახურის უფროსი/ უფროსის მოვალეობის შემსრულებელი, ხოლო ხელშეკრულების კონტროლს განახორციელებს შესყიდვების სამსახურის თანამშრომელი/თანამშრომლები.

5.2 შესყიდვის ობიექტის მიწოდებისას გაფორმდება მიღება-ჩაბარების აქტი, სადაც დაფიქსირდება მიმწოდებლის მიერ ნაკისრი ვალდებულებების შესრულების შესაბამისობა წინამდებარე ხელშეკრულების პირობებთან.

5.3 ხელშეკრულების პირობებთან შესაბამისობის დადგენის მიზნით, შემსყიდველი უფლებამოსილია მხოლოდ საკუთარი ხარჯით, მის მიერ შერჩეული მეთოდით შეამოწმოს მოწოდებული შესყიდვის ობიექტის ხარისხი ნებისმიერ დროს და შეადგინოს ინსპექტირების აქტი, სადაც დაფიქსირდება მიმწოდებლის მიერ ნაკისრი ვალდებულებების შესრულების შესაბამისობა წინამდებარე ხელშეკრულების პირობებთან.

5.4 ყველა გამოვლენილი ნაკლის აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება, საქართველოს კანონმდებლობით დადგენილი წესით, ეკისრება მიმწოდებელს.

მუხლი 6. შესყიდვის ობიექტის ხარისხი და გარანტია

6.1 მიმწოდებელი იძლევა გარანტიას, რომ მიწოდებული საქონლის ხარისხი უპასუხებს **SPA220002145** ელექტრონული ტენდერის საშუალებით სახელმწიფო შესყიდვის პირობებს - N3 დანართი საგარანტიო მომსახურება (შესყიდვის ობიექტის მიღება-ჩაბარებიდან მწარმოებლის 3 წლიანი გარანტია, 24 სთ x 7 დღე რეჟიმში მხარდაჭერით სრულ აპარატურულ-პროგრამულ კომპლექსზე).

6.2 შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

მუხლი 7. შესყიდვის ობიექტის მიწოდების ვადა და მიღება-ჩაბარების წესი

7.1 მიმწოდებელმა ხელშეკრულების დადებიდან არაუგვიანეს 105 კალენდარული დღის ვადაში უნდა უზრუნველყოს შესყიდვის ობიექტის მიწოდება. საინსტალაციო სამუშაოები უნდა ჩატარდეს სააგენტოს მონაცემთა გაცვლის ძირითად და სარეზერვო ცენტრებში (ძირითადი ცენტრი განთავსებულია მისამართზე: ქ. თბილისი, აკ. წერეთლის გამზ. N67ა, სარეზერვო ცენტრი - ქ. თბილისში მეტრო ახმეტელის მიმდებარე ტერიტორიაზე).

7.2 მიწოდებული შესყიდვის ობიექტის მიღება-ჩაბარება უნდა განხორციელდეს შემსყიდველის მხრიდან ინსპექტირების განმახორციელებელი ჯგუფის მონაწილეობით, მიღება-ჩაბარების აქტის გაფორმებით, სადაც მითითება მიწოდებული შესყიდვის ობიექტის დასახელება, რაოდენობა, ერთეულის ფასი და საერთო ღირებულება.

მუხლი 8. ანგარიშსწორება

8.1 ანგარიშსწორება განხორციელდება უნაღდო ანგარიშსწორებით საქართველოს ეროვნულ ვალუტაში (ლარი), წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2 ანგარიშსწორება განხორციელდება მიღება-ჩაბარების აქტის გაფორმებიდან და საგადასახადო ანგარიშფაქტურის/საგადასახადო დკუმენტის წარმოდგენიდან 10 სამუშაო დღის განმავლობაში.

8.3 შემსყიდველი ვალდებულია, წინასწარი ანგარიშსწორების გარანტიის წარდგენიდან, არაუგვიანეს 5 სამუშაო დღის ვადაში განახორციელოს ანგარიშსწორება მიმწოდებლის ანგარიშზე, ხელშეკრულების 4.1 პუნქტის „ვ“ და 4.2 პუნქტის „ბ“ ქვეპუნქტების დადგომის შემთხვევაში.

მუხლი 9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

მუხლი 10. ხელშეკრულების პირობების შეუსრულებლობა

10.1 თუ მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს, ან სისტემატიურად და/ან უხეშად არღვევს ხელშეკრულების პირობებს, შემსყიდველი წერილობით აფრთხილებს მიმწოდებელს დაიცვას ხელშეკრულების პირობები. თუ მიმწოდებელი, გაფრთხილების მიუხედავად, არ ასრულებს ნაკისრ ვალდებულებებს, შემსყიდველს უფლება აქვს ცალმხრივად შეწყვიტოს ხელშეკრულება მიმწოდებლისთვის 30 დღით ადრე შეწყვეტის შესახებ შეტყობინების გაგზავნის საფუძველზე და დააკისროს მიმწოდებელს ვადაგადაცილებული მიწოდებისათვის 10.3 პუნქტით განსაზღვრული პირგასამტეხლო.

10.2. შემსყიდველს უფლება აქვს ცალმხრივად შეწყვიტოს ხელშეკრულების მოქმედება აგრეთვე, მიმწოდებლისთვის შეწყვეტის შესახებ შეტყობინების წინასწარ გაგზავნის საფუძველზე:

ა) მიმწოდებლის გაკოტრების შემთხვევაში;

ბ) საქართველოს კანონმდებლობით გათვალისწინებულ სხვა შემთხვევებში;

10.3 მხარეებს, ხელშეკრულებით გათვალისწინებული ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების ღირებულების 0.2%-ის ოდენობით.

10.4. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, დაზარალებულ მხარეს უფლება აქვს შეწყვიტოს ხელშეკრულება.

10.5. საჯარიმო სანქციის გადახდა არ ათავისუფლებს მხარეებს ძირითადი ვალდებულებების შესრულებისაგან.

10.6. პირგასამტეხლოს გამოთვლისას არ გამოიანგარიშება ინსპექტირებისთვის გახარჯული დრო.

10.7 გამოვლენილი დეფექტის აღმოფხვრასთან დაკავშირებით (მიმდინარე და ასევე, უკვე შესრულებული ეტაპების მიხედვით) ინსპექტირების ჯგუფის მიერ თავდაპირველად განსაზღვრულ და შემსყიდველთან შეთანხმებულ ვადაზე არ ვრცელდება საჯარიმო სანქციები.

10.8. წინამდებარე ხელშეკრულებით ნაკისრი ვალდებულების შეუსრულებლობით გამოწვეული პირგასამტეხლოს ოდენობა არ შეიძლება აჭარბებდეს ხელშეკრულების ღირებულებას.

10.9. თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას. ხელშეკრულებით გათვალისწინებული ვალდებულებების შეუსრულებლობით გამოწვეული ზიანი ანაზღაურდება საქართველოს კანონმდებლობის შესაბამისად.

10.10. ხელშეკრულების ცალკეული პირობების მოქმედების შეწყვეტა არ ათავისუფლებს რომელიმე მხარეს დანარჩენი ვალდებულებების შესრულებისაგან.

მუხლი 11. დავების გადაწყვეტა

11.1. წამოჭრილი დავები ან აზრთა სხვადასხვაობა შესაძლებელია გადაწყდეს ერთობლივი მოლაპარაკების საფუძველზე.

11.2. თუ შემსყიდველი და მიმწოდებელი მოლაპარაკების დაწყებიდან 30 დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს.

11.3 წინამდებარე ხელშეკრულებასთან დაკავშირებით და მის საფუძველზე წარმოშობილ ყველა სახის დავა უნდა გადაწყდეს მხოლოდ საქართველოს საერთო სასამართლოების მიერ, სხვა ნებისმიერი ქვეყნის სასამართლოების გამორიცხვით.

11.4 წინამდებარე ხელშეკრულებასთან დაკავშირებულ და მის საფუძველზე წარმოშობილი, ნებისმიერი სახის ურთიერთობის, მათ შორის დავის მოსაწესრიგებლად გამოიყენება ქართული სამართალი.

მუხლი 12. ხელშეკრულების შეწყვეტა

12.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

12.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

მუხლი 13. ხელშეკრულების მოქმედების ვადა

ხელშეკრულება ძალაში შედის მისი ხელის მოწერის დღიდან და მოქმედებს 2023 წლის 5 მარტის ჩათვლით.

მუხლი 14. ფორს-მაჟორი

14.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და მხარეები არ აგებენ პასუხს, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2 „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, პანდემიით (გარდა COVID19), კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, მიზეზებისა და მისი შესაძლო ხანგრძლივობის შესახებ, ხოლო შეტყობინებიდან გონივრულ ვადაში წარმოადგინოს ფორსმაჟორული გარემოების დამადასტურებელი დოკუმენტი შესაბამისი კომპეტენტური ორგანოდან, რომელიც დაადასტურებს წერილში მოყვანილ გარემოებებს.

14.4. ფორსმაჟორული გარემოებების დადგომის შემთხვევაში, თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორსმაჟორული გარემოებების ზეგავლენისაგან.

14.5. ხელშეკრულების 14.3 პუნქტით გათვალისწინებული პირობების დაცვის შემთხვევაში მხარეები უფლებამოსილი არიან, გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადამდე შეწყვიტონ ხელშეკრულების მოქმედება.

მუხლი 15. ხელშეკრულების შესრულების უზრუნველყოფის გარანტია

15.1. ხელშეკრულების შესრულების უზრუნველყოფის მიზნით წარმოდგენილი საბანკო/სადაზღვევო გარანტია მიმწოდებელს არ დაუბრუნდება მის მიერ ხელშეკრულების პირობების შეუსრულებლობის ან არასრული შესრულების შემთხვევაში.

15.2. ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების შესრულების უზრუნველყოფის 1%-იანი (კომპანიის თეთრ სიაში რეგისტრაციის გამო) საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო. ხელშეკრულების შესრულების უზრუნველყოფის საბანკო/სადაზღვევო გარანტიის მოქმედების ვადა 1 (ერთი) თვით უნდა აღემატებოდეს ხელშეკრულების მოქმედების ვადას.

15.3. იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, შემსყიდველი ვალდებულია მიმწოდებლის წერილობითი მოთხოვნის საფუძველზე უზრუნველყოს გარანტიის დაუყოვნებლივ დაბრუნება.

15.4. მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შეუსრულებლობა და/ან შესრულებაზე უარის თქმა და/ან ხარვეზის

აღმოსაფხვრელად მიმწოდებლის მიერ შესაბამისი ღონისძიებების განუხორციელებლობა) შემთხვევაში, მიმწოდებელს საბანკო/სადაზღვევო გარანტიით გათვალისწინებული თანხა არ დაუბრუნდება.

15.5. მიმწოდებლისაგან დამოუკიდებელი მიზეზების გამო, ხელშეკრულების შეწყვეტის შემთხვევაში, შემსყიდველი მიმწოდებლის მოთხოვნისთანავე უზრუნველყოფს ხელშეკრულების შესრულების უზრუნველყოფის საბანკო გარანტიის დაბრუნებას.

მუხლი 16. ხელშეკრულების პირობების გადასინჯვის შესაძლებლობა

16.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

16.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

16.3 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ორი კვირით ადრე წერილობით შეატყობინოს მეორე მხარეს შესაბამისი ინფორმაცია.

16.4 ხელშეკრულებაში ცვლილებების შეტანა შესაძლებელია მხარეთა მიერ წერილობითი შეთანხმების საფუძველზე, რაც წარმოადგენს წინამდებარე ხელშეკრულების განუყოფელ ნაწილს.

მუხლი 17. კონფიდენციალობის დაცვა

კონფიდენციალური ინფორმაცია, რომელიც მეორე მხარისთვის ცნობილი გახდა ხელშეკრულების შესრულებისას, არ ექვემდებარება მესამე მხარისთვის გადაცემას ან გამოქვეყნებას მეორე მხარესთან შეთანხმების გარეშე. აღნიშნული ინფორმაციის გავრცელების შემთხვევაში, სახელშეკრულებო პირობის დამრღვევ მხარეს ეკისრება პასუხისმგებლობა კანონმდებლობის შესაბამისად.

მუხლი 18. სხვა პირობები

18.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. დაუშვებელია ხელშეკრულებაში მიმწოდებლის ჩანაცვლება, გარდა საქართველოს კანონმდებლობით გათვალისწინებული შემთხვევებისა (ორგანიზაციის შერწყმა, გაყოფა და სხვ.).

18.2 ხელშეკრულება შედგენილია ქართულ ენაზე და ცვლილებების შეტანა შესაძლებელია მხარეთა მიერ წერილობითი შეთანხმების საფუძველზე, რაც წარმოადგენს ხელშეკრულების განუყოფელ ნაწილს.

მუხლი 19. მხარეთა რეკვიზიტები

შემსყიდველი:

სსიპ - სახელმწიფო სერვისების

განვითარების

სააგენტო,

მისამართი: ქ. თბილისი, სანაპიროს

ქუჩაN2

საბანკო რეკვიზიტები:

სახელმწიფო ხაზინა, კოდი: TRESGE22,

ს/კ - 202307404

მიმწოდებელი:

შპს „იუ-ჯი-თი“,

მისამართი: ქ. თბილისი, ილ. ჭავჭავაძის გამზირი №17ა

საბანკო რეკვიზიტები: ანგ. №GE05 TB06 0000 0005 4672 91

სს „თბილისი ბანკი“, კოდი: TBCBGE22

ს/კ - 204892964

ფასების ცხრილი

N	შესყიდვის ობიექტი	შემოთავაზებულ ი შესყიდვის ობიექტის ტექნიკური მახასიათებლები	მწარმოებლის მიერ მინიჭებული დასახელება (მოდელი)	რაოდენობა, ცალი	ერთეულის ღირებულება (დღგ-ს ჩათვლით)	საერთო ღირებულება (დღგ-ს ჩათვლით)
1	ჰიპერ-კონვერგენტული ინფრასტრუქტურის სპეციალიზირებული მოწყობილობა, თანმდევ ინსტალაციით	იხილეთ N2 დანართი	DELL EMC VxRail E-Series All-Flash Node	2	220,070.00 ლარი	440,140.00 ლარი

ტექნიკური დავალება

შემსყიდველის მიერ განსაზღვრული ტექნიკური დავალება

შესყიდვის ობიექტის შემადგენელი კომპონენტები	შემადგენელი კომპონენტების მინიმალური ტექნიკური მახასიათებლები	რაოდენობა
ვირტუალიზაციის პლატფორმა	არსებული HCI ინფრასტრუქტურის გაფართოებისათვის აპარატურულ-პროგრამული კომპლექსის (HCI Appliance) დამატება. მოცემული კომპლექსი სრულად თავსებადი უნდა იყოს სააგენტოში არსებული VMware ვირტუალიზაციის პლატფორმასთან და ჰქონდეს საშუალება ჩამატებული იყოს სააგენტოში არსებულ vSphere ინფრასტრუქტურაში, გამოთვლითი და დისკური რესურსების გასაფართოებლად. ჰიპერვიზორი (VMware ESXi 7), ვირტუალიზაციის მართვის სისტემა (VMware vCenter 7), აპარატურულ-პროგრამული კომპლექსის მართვის სისტემა და პროგრამული მონაცემთა სანახი (Software Defined Storage) ქარხნულად უნდა იყოს დაინსტალირებული (pre-installed) სისტემის შემადგენელ ნოუდებზე (Appliance-ებზე). პროგრამული მონაცემთა სანახი (Software Define Storage, SDS) უნდა იყოს ჰიპერვიზორის შემადგენელი ნაწილი, იყოს სრულად ინტეგრირებული ვირტუალიზაციის პროგრამულ უზრუნველყოფასთან (Virtualization kernel based Software Defined Storage) და SDS ფუნქციონირებისათვის არ უნდა საჭიროებდეს დამატებით კომპონენტის არსებობას (მაგ.: ვირტუალურ მანქანას)	ორი ცალი

გამოთვლითი რესურსები	ჰიპერ-კონვერგენტული ინფრასტრუქტურის ყოველი ნოუდის პარამეტრები: • ფორმ ფაქტორი Rack-mount სტანდარტულ სასერვერო კარადაში; • 2x12-ბირთვიანი, 2.9GHz, 14nm ლითოგრაფიის პროცესორი; • ოპერატიული მეხსიერება - მინიმუმ 512GB მეხსიერება (16x32GB DDR4-2666 DIMMs). ასევე უნდა დარჩენილი თავისუფალი მეხსიერების სლოტები, რათა შესაძლებელი იყოს 768GB-მდე გაფართოება; • დუბლირებული ელექტრო კვების და გაგრილების სისტემა; • ახალი ნოუდები უნდა ჩაირთოს არსებულ 10Gb Ethernet ქსელში და დაემატოს არსებულ განაწილებულ VMware vSphere კლასტერში;	
დისკური რესურსები	სისტემა უნდა შედგებოდეს ჰიპერ-კონვერგენტული ინფრასტრუქტურის სპეციალიზირებული მოწყობილობების (Hyper-Converged Appliance) All-Flash ნოუდებისგან. ორი განთავსების ადგილს შორის შესაძლებელი უნდა იყოს Network RAID 10-ის ან ანალოგიური დაცვის მექანიზმის გამოყენება; ასევე, გაფართოებულ კლასტერში შესაძლებელი უნდა იყოს დამატებითი Network Raid 10-ის და RAID 5-ის დაცვის მექანიზმის გამოყენება ყოველი განთავსების ადგილის ფარგლებშიც; ნოუდებს უნდა გააჩნდეს: ✓ მინ. 2 ცალი 240GB M.2 SATA SSD RAID 1 დაცვით, ESXi ჰიპერვიზორისთვის; ✓ მონაცემების ქეშირებისთვის ნოუდში განთავსებული უნდა იყოს მინიმუმ 2 ცალი NVMe SSD დისკი არანაკლებ 1.600 GB მოცულობით; ✓ Data დისკი - მინ. 6 ცალი 1,92ტბ SSD ; ნოუდებს უნდა გააჩნდეს მინ. 2 დისკური ჯგუფის შემნის საშუალება. პროგრამული მონაცემთა სანახი (Software Defined Storage) უნდა აკმაყოფილებდეს შემდეგ მოთხოვნებს: • ლიცენზირებული უნდა იყოს ნოუდის მაქსიმალური მოცულობისთვის. პროცესორზე ლიცენზირების შემთხვევაში, ლიცენზირებული უნდა იყოს 2 პროცესორზე; • პროგრამული მონაცემთა სანახი უნდა იყოს ინტეგრირებული ნოუდის ჰიპერვიზორის (VMware ESXi) ბირთვში (არ უნდა იყოს წარმოდგენილი, როგორც ვირტუალური მანქანა); • უნდა გააჩნდეს ორ განთავსების ადგილზე განაწილებული კლასტერის შექმნის მხარდაჭერა და	

	ამისათვის უნდა იყენებდეს მესამე ადგილზე განთავსებულ არბიტრატორს;	
ქსელური რესურსები	გამოთვლითი და მონაცემთა სანახი კლასტერის კომუნიკაციისთვის სისტემა უნდა იყენებდეს 10Gb Ethernet ინფრასტრუქტურას. ამისათვის ნოუდზე უნდა იყოს მინ. 4 x 10Gb Ethernet SFP+ პორტი. მიმწოდებელმა ასევე უნდა უზრუნველყოს 4 ცალი SFP+ მოდულის მოწოდება ყოველ ნოუდზე, რომ მიწოდებული ნოუდები მიერთებული იყოს სააგენტოში არსებულ 10Gb კომუტატორებზე.	
ცენტრალიზებული მართვა	ვირტუალიზაციის კლასტერის მართვა და მონიტორინგი შესაძლებელი უნდა იყოს vCenter-ის Web კონსოლიდან. ამის გარდა, სისტემას ასევე უნდა გააჩნდეს ჰიპერ-კონვერგენტული აპარატურულ-პროგრამული კომპლექსის მართვის ცენტრალიზებული Web ინტერფეისი ან vCenter-ის plug-in მოდული. ამ უკანასკნელიდან შესაძლებელი უნდა იყოს: • ვირტუალიზაციის კლასტერის პირველადი კონფიგურაცია - ინტუიტიური wizard based პროცესი, რომლის შედეგადაც მიიღება გამზადებული VSphere ვირტუალიზაციის კლასტერი; • სისტემის აპარატურული და პროგრამული კომპონენტების (BIOS, Firmware-ების, ჰიპერვიზორის, მართვის სისტემების და SDS-ის) ვერსიების ცენტრალიზებულად და ავტომატურ რეჟიმში განახლება ერთიანი ფაილის (upgrade bundle) მეშვეობით; • კლასტერის გაფართოება - ნოუდების დამატება და დისკური რესურსების დამატება; • აპარატურულ-პროგრამული კომპლექსის მონიტორინგი, დიაგნოსტიკა და მხარდაჭერა, პრობლემის აღმოჩენის შემთხვევაში ვენდორთან შეტყობინების გაგზავნა (call home) და საჭიროების შემთხვევაში მწარმოებელთან „ქეისის“ ავტომატურ რეჟიმში გახსნა; ყოველ ნოუდზე უნდა იყოს 1Gb RJ-45 მართვის პორტი (IPMI) სრული მომორებული მართვის ფუნქციონალით (remote KVM)	
გაფართოებადობა	სისტემას უნდა გააჩნდეს მინიმუმ 30 ნოუდამდე გაფართოების შესაძლებლობა (15 ნოუდი თითო მონაცემთა ცენტრში), ამასთან არ უნდა მოითხოვდეს მხოლოდ იდენტური ნოუდების დამატებისა - შესაძლებელი უნდა იყოს კლასტერში დაემატოს All-Flash ნოუდები განსხვავებული პროცესორული, მეხსიერების ან/და დისკური რესურსებით	
საგარანტიო პირობები	მწარმოებლის 3 წლიანი გარანტია, 24 სთ x 7 დღე რეჟიმში მხარდაჭერით სრულ აპარატურულ-პროგრამულ კომპლექსზე	

მიმოწდების - შპს იუჯითის მიერ შემოთავაზებული შესყიდვის ობიექტის დეტალური ტექნიკური მახასიათებლები

2 x ჰიპერ-კონვერგენტული ინფრასტრუქტურის სპეციალიზირებული მოწყობილობა		
	Manufacturer	Dell EMC
	Model	VxRail E560F
	Product Type	Hyper-Converged Infrastructure Appliance
	Product URL	https://www.dell.com/en-us/dt/converged-infrastructure/vxrail/vxrail-hyperconverged-infrastructure.htm
	Hypervisor	VMware vSphere ESXi
	Software Defined Storage	VMware vSAN Enterprise: - Integrated in VMware ESXi (Kernel Based SDS); - Licensed per CPU Sockets; - Supports Stretched-Cluster Topology on 2 Sites over existing 10Gb Ethernet Networks with witness component on third site;
	Pre-Installed Software	- VMware vSphere ESXi 7.0 - VMware vCenter Server 7.0 - Dell EMC VxRail Manager 7.0 - Dell EMC Secure Remote Support (ESRS)/VE 3.52 - VMware vSAN 7.0 (Software Defined Storage) - VMware vRealize Log Insight 8.2
	Node Form Factor	1U, Rack-mountable, with Rack Mount Kit;
	Node Power & Cooling	Fully Redundant;
	Node Compute Resources	2 x Intel® Xeon® Gold 6226R (2.9GHz/12-core) Processors 512GB (16 x 32GB) Dual Rank x4 DDR4-3200 Registered DIMMs; 8 x Free DIMM Slots;
	Node Network Resources	4 x 10Gb Ethernet SFP+ ports with transceivers;
	Node Management Port	1 x 1Gb Ethernet RJ45 port for iDRAC9 Enterprise (includes remote KVM)
	Node Storage Resources	2 x 1600GB 2.5" Cache 5WPD NVMe SSDs (for 2 x Disk Groups); 6 x 1.92TB 2.5" Capacity 1WPD SATA SSDs; 2 x Free Drive Slots for Capacity SSDs;
	Node Boot Device	2 x 240GB SATA M.2 SSD, with RAID-1 protection for ESXi Boot;
	Cluster Management	Virtualization management with VMware vCenter web console; HCI Appliance management with DELL EMC VxRail Plug-in for VMware vCenter web console: - VxRail Cluster wizard-based initial configuration; - VxRail Lifecycle & Update management: Automated and orchestrated upgrade of hardware firmware, ESXi hypervisor, vCenter and vSAN with a single Upgrade Bundle file; - VxRail Cluster wizard-based Node Expansion and Capacity Expansion; - VxRail Appliance Monitoring, Reporting, Troubleshooting and Support; Call-Home function with automated Service Request creation in the event of critical issues;
	Licenses	- VMware vSAN Enterprise for 2 CPU Sockets (per node); - Dell EMC RecoverPoint for Virtual Machines for 5 VMs (per node);
	Scalability	VxRail Stretched cluster scales to 40 nodes (20 nodes per site); Cluster can be expanded by All-Flash models of E, P or V series nodes; Nodes do not have to be with identical compute or Storage Resources.
	Warranty	Dell EMC 3-year Support Service; Includes 24x7 Hardware & Software support on all Appliance nodes;

N3 დანართი

საგარანტიო მომსახურება

ა) საგარანტიო მომსახურების ფარგლები

გარანტია ვრცელდება ზემოაღნიშნული შესყიდვის ობიექტზე სრულად, ასევე მის ნებისმიერ ნაწილზე. გარანტიის ფარგლებში შემსყიდველს უფლება უნდა ქონდეს არსებული აპარატურის განახლებული პროგრამული უზრუნველყოფის ახალი ვერსიების (Firmware; BIOS) გადმოწერის საშუალება.

გარანტიის მოქმედების პერიოდში აპარატურის ნებისმიერი ნაწილის დაზიანების შემთხვევაში, თუ შეუძლებელია მისი შეკეთება, მიმწოდებელი ვალდებულია ისინი ჩაანაცვლოს მისი ექვივალენტი ან ყველა კომპონენტით უკეთესი ნაწილებით. აპარატურის ადმინისტრირებას უზრუნველყოფს

შემსყიდველის ტექნიკური პერსონალი, მიმწოდებელი ვალდებულია სატელეფონო ან წერილობითი კონსულტაცია გაუწიოს შემსყიდველის უფლებამოსილ პირებს აპარატურასთან დაკავშირებულ საკითხებზე.

ბ) საგარანტიო მომსახურების პირობები

პროგრამული კომპონენტის ტექნიკური მომსახურების და სერვერული აპარატურული კომპონენტის საგარანტიო მომსახურების პერიოდში მიმწოდებელი ვალდებულია დაიცვას საგარანტიო მომსახურების გაწევის ვადები, რომლებიც წარმოდგენილია N1 ცხრილში. მომსახურების გაწევის ვადები დამოკიდებულია შესაბამის პრიორიტეტზე. პრიორიტეტების მატრიცა წარმოდგენილია N2 ცხრილის სახით. ინციდენტის პრიორიტეტების განსაზღვრა ხდება შემსყიდველის მიერ. ინციდენტების აღრიცხვის მიზნით მიმწოდებელი ვალდებულია გამოყოს ინციდენტის რეგისტრაციის მიზნებისათვის ელექტრონული ფოსტის მისამართი. ინციდენტზე საპასუხო ქმედების და მოგვარებისთვის დადგენილი ვადის ათვლა იწყება ინციდენტის მიმწოდებლის მიერ გამოყოფილ ელექტრონულ მისამართზე მიღებიდან. ინციდენტის მიღების, რეგისტრაციის შესახებ ინფორმაცია მომწოდებელმა უნდა მიაწოდოს შემსყიდველს. მიმწოდებელი ასევე ვალდებულია ხარვეზის აღმოფხვრისას ზემოაღნიშნული ელექტრონული მისამართიდან მიაწოდოს ინფორმაცია შემსყიდველს. ხარვეზის აღმოფხვრის შესახებ ინფორმაციის მიღების დროს სააგენტოს საკონტაქტო ელექტრონულ ფოსტაზე (სააგენტოს საკონტაქტო მისამართია servicedesk@sda.gov.ge) და ინციდენტის რეგისტრაციის დროს შორის სხვაობით გამოითვლება ინციდენტის მოგვარებისათვის დახარჯული მაქსიმალური დრო.

საგარანტიო პერიოდში შესყიდვის ობიექტის ნებისმიერი კომპონენტის დაზიანებული ნაწილის ჩანაცვლება უნდა მოხდეს გონივრულ ვადაში, თუმცა იგი არ უნდა აღემატებოდეს 10 დღეს, ამ შემთხვევაში სერვისის მხარდაჭერის პირობებზე არ მოქმედებს N1 ცხრილში მოცემული „გადაწყვეტის მაქსიმალური დროის“ ვადები. მიმწოდებელი ვალდებულია ინციდენტის შეფასების შემდეგ, ზემოთდადგენილი კომუნიკაციის ფორმის შესაბამისად დაუდასტუროს შემსყიდველს ნაწილის შეცვლის აუცილებლობა წერილობითი ფორმით. 10 დღიანი ვადის ათვლა დაიწყება მიმწოდებლის მიერ წერილობითი დადასტურებიდან.

შემსყიდველი ვალდებულია საჭიროების შემთხვევაში უზრუნველყოს მიმწოდებლის წარმომადგენლების დაშვება აპარატურის განთავსების ადგილზე,

ცხრილი N1 - საგარანტიო მომსახურების გაწევის ვადები

პრიორიტეტი	საპასუხო ქმედების დრო	გადაწყვეტის მაქსიმალური დრო	მხარდაჭერის დრო
პრიორიტეტი 1	1 საათი ნაკლები	არაუმეტეს 2 საათი	24 x 7
პრიორიტეტი 2	1 საათი ნაკლები	არაუმეტეს 6 საათი	24 x 7
პრიორიტეტი 3	2 საათი ნაკლები	არაუმეტეს 1 სამუშაო დღე	სამუშაო საათები 09.00-18.00, ორშაბათი - პარასკევი
პრიორიტეტი 4	4 საათი ნაკლები	არაუმეტეს 3 სამუშაო დღე	სამუშაო საათები 09.00-18.00, ორშაბათი - პარასკევი

ცხრილი N2. პრიორიტეტების მატრიცა

გავლენა	გადაუდებლობა			
	სასწრაფო	მაღალი	საშუალო	დაბალი
აპარატურის მიერ მხარდაჭერილ 80% ბიზნეს პროცესებზე	I პრიორიტეტი	I პრიორიტეტი	II პრიორიტეტი	III პრიორიტეტი
აპარატურის მიერ მხარდაჭერილ 50-80% ბიზნეს პროცესებზე	I პრიორიტეტი	II პრიორიტეტი	III პრიორიტეტი	IV პრიორიტეტი
აპარატურის მიერ მხარდაჭერილ 20-50% ბიზნეს პროცესებზე	II პრიორიტეტი	II პრიორიტეტი	III პრიორიტეტი	IV პრიორიტეტი
აპარატურის მიერ მხარდაჭერილ 20%-მდე ბიზნეს პროცესებზე	III პრიორიტეტი	III პრიორიტეტი	IV პრიორიტეტი	IV პრიორიტეტი

შემსწიდველის მიერ ინციდენტის დადგომამდე იდენტიფიცირებული საფრთხეები, რომელმაც შესაძლებელია გამოიწვიოს ინციდენტი, მიმწოდებლის მიერ მხარდაჭერილი უნდა იყოს მე-4 პრიორიტეტისათვის დადგენილი ვადებში.